

ԱՎԵՏԻՔ ԻՍԱՀԱԿՅԱՆԸ
ՄԵԾ ՀԱՅՐԵՆԱԿԱՆ ՊԱՏԵՐԱԶՄԻ ՖԱՐԻՆԵՐԻՆ

ՀՀ ԳԱԱ ակադեմիկոս Գ. Բ. ՂԱՐԻԲՋԱՆՅԱՆ

1995 թ. մայիսի 9-ին լրանում է 50-տարին այն պատմական օրվանից, երբ հաղթանակով ավարտվեց պատմության մեջ իր մասշտաբներով ու անողորմությամբ աննախադեպ պատերազմը: Գերմանական ֆաշիզմը նպատակ ունեւր հրով ու սրով հաստատել համաշխարհային տիրապետություն: «Սպանիւր ամեն մի ոռւտի, ամեն մի խորհրդային քաղաքացու, կանգ չառնես, եթե քո առջև ծերոնի է, կամ կին, աղջիկ է կամ երեխա, սպանիր»,—այսպես էր հրամայել Հիտլերը իր զինվորներին:

Չնայած խորհրդային բանակի անձնվեր ու հերոսական դիմադրությանը, ֆաշիստական զորքերին հաջողվեց պատերազմի սկզբում արագ նվաճել խորհրդային հանրապետությունների շատ տարածքներ, մոտենալ Անդրկովկասին: Սպառազինված Թուրքիան սպասում էր Ստալինգրադի անկմանը, որ խուժեր Կովկաս: Բեռլինը խորհրդային Հայաստանի տարածքում ռազմական գործողություններ տեղի չունեցան, սակայն հայ ժողովրդի զավակները ամենաակտիվ մասնակցություն ունեցան 1941—1945 թթ. Հայրենական մեծ պատերազմին: Համարելով այն իրենց սրբազան գործը, նրանք անօրինակ սխրագործություններ կատարեցին բոլոր ռազմաճակատներում, պարտիզանական ջոկատներում. մասնակցեցին եվրոպական դիմադրողական շարժմանը, թիկունքում կատարած անձնվեր աշխատանքով իրենց արժանի ավանդը մտցրին ընդհանուր թշնամու դեմ մղված պայքարում: Համաշխարհային երկրորդ պատերազմում հազարավոր սփյուռքահայեր հերոսաբար կոխում էին դաշնակիցների բանակում, մասնակցում պարտիզանական շարժմանը, նյութական միջոցներով օգնում առաջադիմական ուժերին: Պատերազմի հենց սկզբից հայ ժողովրդը հաստատուն կերպով իր արժանի տեղը գրավեց իրենց անկախության ու ազատության համար խորհրդային Միության բոլոր ժողովուրդների մղած ընդհանուր պայքարում:

Անուրանալի են հայ մտավորականության մեծ ծառայությունները ֆաշիզմի դեմ հաղթանակն ապահովելու գործում: Հայ գիտնականները, գրողները, արվեստի ու մշակույթի այլ բնագավառի գործիչները անդոսլ աշխատանք տարան իրենց հայրենիքը թշնամուց պաշտպանելու գործում: Նրանք խորապես գիտակցում էին, որ պատերազմի ռազմաճակատներում լուծվում է նաև հայ ժողովրդի ճակատագրի հարցը: Գերմանական ֆաշիզմը, իր վաղեմի դաշնակից Թուրքական ջարդարարների հետ միասին կրկին պլանավորել էր նվաճել Հայաստանը, ֆիզիկապես բնաջնջել հայ ժողովրդին:

Իրենց հայրենիքի պաշտպանների առաջավոր շարքերում էին գտնվում նաև հայ գրողները, որոնցից շատերը մեկնեցին ռազմաճակատ, մյուսները թիկունքում գործում էին՝ «ամեն ինչ ռազմաճակատի համար» նշանաբանով: Պատերազմի բոլոր տարիներին հայ գրողների բանակը գլխավորում էր հանճարեղ բանաստեղծ ու քաղաքացի, ակտիվ հասարակական գործիչ, հայ ժողովրդի մեծ զավակ Ավետիք Իսահակյանը, որը, չնայած իր պատկառելի տարիքին, գործում էր անսպառ եռանդով ու նվիրվածությամբ, Հայաստանի և ողջ աշխարհի հայությանը ոգեշնչում էր նոր սխրանքների ընդդեմ ոխերիմ թշնամու, հանուն հայրենիքի: Հայ ժողովուրդը իր զավակներին պատ-

վիրել էր միշտ հիշել, որ ռազմաճակատի որ հատվածում էլ կռվելիս լինեն գերմանական ֆաշիզմի դեմ, նրանք կռվում են հանուն հարազատ Հայաստանի գոյության, փրկության, ազատության:

Պատերազմի բոլոր տարիներին գտնվելով քաղաքամայր Երևանում, Իսահակյանը ապրում էր իր ժողովրդի, հորհրդային Միության, ողջ առաջադեմ մարդկության շահերով, ակտիվորեն մասնակցում էր թշնամու դեմ հաղթանակի ապահովման համար մղված պայքարին: «Հիմա ամեն մի խոհ և գործ,—ասում էր նա,—հաղթանակի համար, միայն և միայն հայրենիքի պատվի և հաղթանակի համար»¹: Պատերազմի նախօրյակին, 1941 թ. մայիսին Իսահակյանը Մոսկվայում զլխավորում էր հայ գրականության տասնօրյակի մասնակից հայ գրողների պատվիրակությունը: Մայրաքաղաքի գրողների ակումբում տեղի է ունենում նրա ստեղծագործական երեկոն: Վարպետին մեծարում են ռուս գրաեանության ականավոր դեմքերը՝ Ա. Տոլստոյը, Վ. Կատանը, Վ. Իվանովը, Ն. Ասեկը, Լ. Լեոնովը, Վ. Լեբեդև-Կումաչը, Կ. Ֆեդինը, Լ. Սոբոլևը, Ա. Տվարդովսկին: Տասնօրյակի ավարտից անմիջապես հետո նա գալիս է էսենտուկի հանգստանալու, որտեղ էլ իմանում է ֆաշիստական Գերմանիայի ուխտագրուծ հարձակման մասին: «Գազան Հիտլերը արյան ծարավի է,—գրում է նա հունիսի 28-ին,—իբրև նոր Աթիլա և վերջ ի վերջո պիտի խեղդվի իր ծովերով թափվող արյան մեջ»²: Նույն օրը Իսահակյանն էսենտուկիում գրում է իր «Ռազմակոչ» բանաստեղծությունը՝ ահեղ վրեժով գոտեպնդված, ռազմի դաշտ մեկնելու և հերոսանալու մասին: Թըշնամու դեմ հաղթանակի խոր հավատը բանաստեղծն առաջին հերթին կապում էր ռուս ժողովրդի հզորության հետ: Հունիսի 10-ին էսենտուկից նա գրում էր. «Այստեղ նույնպես ժողովուրդը հանգիստ է և ինքնավստահ. զգում ես, որ ռուսը շատ մեծ է և հանգիստ ժողովուրդ է, ջղայնություն չի ցույց տալիս, հավատաքած է վերջնական իր հաղթանակի մասին»³:

1941 թ. հունիսի 26-ին էսենտուկիում որած «Ռազմակոչ» բանաստեղծության մեջ դիմելով վեհ հայրենիքի կտրիճ զավակներին, քաջ ժողովուրդներին, պոետը կոչ էր անում.

Դեպի ռազմի դաշտ, դեպ հերոսացում,
Դեպի ռազմի դաշտ սուրբ դրոշի տակ
Դեպի բարձունքը մահի ու փառքի,
Վանեցեք՝ հեռու թշնամուն վայրագ,
Մեր խրճիթներից, մեր հնձաններից,
Մեր արտ ու կալից վանեցեք՝ հեռու:
Նավերժ պիտ մնա Հայրենիքը մեր,
Հորը և ազատ և հավերժ կանգուն
Մեր իդեալների սուրբ արևի տակ:
Դեպի ռազմի դաշտ, դեպ հերոսացում,
Դեպի բարձունքը մեծ հաղթանակի⁴:

1941 թ. օգոստոսի 3-ին Իսահակյանը գրում է իր «Ֆաշիզմը պիտի խորտակվի» ծավալուն հոդվածը, որում դատապարտում է Հիտլերյան Գերմանիայի ուխտագրուծ հարձակումը Մեծ Միության խաղաղ քաղաքների ու ազգաբնակչության վրա: Հայրենական պատերազմը նա որակում է որպես սրբազան պատերազմ արյունարբու ագրեսորի դեմ: «Մենք ճանաչում էինք ու սիրում կլասիկ Գերմանիան,—գրում է Իսահակյանը,—բանաստեղծների

¹ Ավետիք Իսահակյան. Երկերի ժողովածու, 6 հատորով. հ. 5, Երևան, 1977, էջ 334:

² Նույն տեղում, հ. 6, էջ 357:

³ Նույն տեղում, էջ 359:

⁴ Նույն տեղում, հ. 1, էջ 358:

ու փրկիստփանների հայրենիքը», ռոմանտիկական կապույտ ծաղկի երկիրը... Սակայն այդ Դերմանիան ճգնվել է «պրոուսական» յունկերի կրունկի տակ... Լիրյունածարավ Հիտլերը իր վայրագ հորդաները բաց թողեց նվրոպայի վրա՝ նենդությամբ, խաբեությամբ, սարսափներով, նախճիրներով նվաճելով խաղաղասեր ժողովուրդներին, և ճգնեց իր բրոնզե կոշիկի տակ», կայծակ-իային պատերազմ է սանձազերծել նաև հորհրդային Միության դեմ։ Իսահակյանը հաղթանակի խորը հավատով հայտնում է, որ Հիտլերի Բլից-կրիգը վերջնականապես կջախջախվի մեր հայրենիքի պատենշի ժայռերին դիպչելով և նորից ազատություն կգա բոլորի համար։ «Մեր զորքը արդար է,— դրում էր Իսահակյանը,— պատմության լոգիկան մեր կողմն է. մեր կողմն է նվաճված ժողովուրդների համակրանքը, մեր կողմն է համայն աշխարհի աշխատավորների համակրանքը... Մեր վերջնական հաղթությունը ավան-տյուրիստ ավազակի՝ Հիտլերի վրա ււպահովված է»⁶։ Հաղթանակի նկատմամբ խորը հավատով են տոգորված պոետի բոլոր երկերը, նրա ողջ դործունեությունը։

1941 թ. օգոստոսի 17-ին Ավետիք Իսահակյանի, Մ. Սարյանի, Հ. Մանանդյանի, Դ. Դեմիրճյանի, Հ. Աճառյանի, Մ. Աբեղյանի, Հ. Օրբելու և Հայաստանի մշակույթի ու զինության ալ ականավոր գործիչների ստորագրու-թյամբ «Սովետական Հայաստան» թերթում տպագրվում է դիմում՝ ուղղված արտասահմանյան երկրների բոլոր հայերին, որում նշվում էր, որ հեքիա-թյային փյունիկի նման մոխրից ու բոցերից վերածնված ազատասեր հայ ժո-ղովուրդը մյուս ժողովուրդների հետ բարձրացել է արյունարոտ ֆաշիզմի դեմ, ժողովրդի հոգում վերակենդանացրել Սասնա դուլցազունների հերոսա-կան ավանդույթները, և Հայաստանի հազարավոր խիզախ զավակներ կար-միր բանակի շարքերում հերոսաբար մարտնչելով հանուն հայրենիքի, ջախ-ջախում են հիտլերյան հորդաներին։ Հայ գործիչները կոչ էին անում սփյուռ-քի բոլոր հայերին համախմբել իրենց ուժերը հանուն հորհրդային Միության պաշտպանության, հանուն մարդկության խաղաղության ու վտանգավոր թշնա-մու՝ ֆաշիզմի ոչնչացման⁷։

1941 թ. նոյեմբերի 29-ին «Սովետական Հայաստան» թերթը տպագրում է Իսահակյանի «Մեր իդեալներն անսասան են», իսկ նոր տարվա նախօրյա-կին՝ «Նոր տարվա շնորհ» հոդվածները, որոնցում վարպետը իր խոր հավատն է արտահայտում հաղթանակի նկատմամբ։ 1942 թ. փետրվարի 3-ին Մոսկվայում լույս տեսնող «Литература и искусство» թերթում տպա-գրվում է Իսահակյանի «Պատմության տրամաբանությունը մեր օգտին է» հոդվածը, իսկ նույն թվականի հունիսի 22-ին, պատերազմի տարեկիցի առ-թիվ՝ «Հայրենական պատերազմը և հայ ժողովուրդը», որն առաջին անգամ տպագրվում է «Սովետական գրականություն» ամսագրում։ Այդ ծանր օրե-րին, երբ թշնամին գտնվում էր Կովկասյան նախալեռներում, շրջապատել էր Լենինգրադը, ընդհուպ մոտեցել էր Մոսկվային, Իսահակյանը գրում էր. «...Հեռու չէ այն փառավոր օրը, երբ պիտի խորտակվեն շար ուժերի ոհմակ-ները, պիտի փշրվի խավարի բռնակալությունը և տառապած մարդկության համար պիտի գա երջանկության, ազատության, ազնիվ աշխատանքի և ստեղծագործության մի նոր, պայծառ ժամանակաշրջան»⁸։ Մեծ հայրե-նասերը ոգեշնչում էր իր ընթերցողներին հայ ժողովրդի պատմության հերո-սական դրվագներով, «Սասունցի Դավիթ» դուլցազնավեպի Թուր-կայծա-կիով, որով նա պաշտպանել է իր հայրենի տունն ու ապրելու իրավունքը։ Վայրագ բարբարոսներն անընդհատ ներխուժել են Հայաստան, բայց հայ ժողովուրդը մի ձեռքին սուր, մյուս ձեռքին մշակույթի զենքերը, հերկել է իր հողը և կերել արդար հացը, ստեղծել հոյակապ դասական լեզու, արվեստի

⁶ Նույն տեղում, հ. 5, էջ 326, 334։

⁷ «Սովետական Հայաստան», 1941, № 195։

⁸ Ավետիք Իսահակյան. Երկերի ժողովածու. հ. 5, էջ 340։

հրաշալիքներ, ավելի մեծ հույսով ու հավատով հավատացել իր փառավոր ապագային: Իսահակյանը մերկացնում էր թուրքական բարբարոսներին, արյունարբու Սուլթան Համիդին, նրանց հովանավոր Վիլհելմ II-ին, որը խրախուսել էր հայկական ջարդերը: Վարպետը հորդորում էր հայ զինվորին հիշել այդ բուրբ և երբ հանդիպի գերմանական զորքին գիտենա, որ հայ ժողովուրդը իրավունք ունի մահու շափ ատելու իր թշնամուն և սիրելու իր բարեկամներին, որոնց մեջ Իսահակյանն առանձնահատուկ տեղ էր տալիս ռուս ժողովրդին, որի ուսերին էր ընկած պատերազմի ծանրությունը: Պատերազմի նոր հերոսների մեջ Իսահակյանը տեսնում էր հայ ժողովրդի պատմական հերոսների վերակերտումը, Վարդան և Վահան Մամիկոնյանների, Թեոդորոս Ռշտունիների և Թաթուլ Վանանդեցիների մարտնչող ոգին, Սմբատ և Վահրամ սպարապետների, Խուսեօյի Հովնանի և Դավիթ Բեկի վերստին վառվող արյունը՝ նոր հերոսների սրտերի մեջ:

1942 թ. ապրիլի 4-ին Իսահակյանը գրում է «Սիրելի հերոս Ս. Գ. Զաքյանի անմահ հիշատակին» բանաստեղծությունը՝ նվիրված Ղրիմում կազմակերպված 390-րդ Հայկական հրաձգային ռիվիզիայի հրամանատար, Կերչում մղված մարտերում հերոսաբար զոհված Սիմոն Զաքյանին: Դիմելով հերոսին պոետը գրում է.

Մեր ցասումը, մեր վրեժը, ո՛վ հերոս,
Քո երկաթե բազուկիդ մեջ դու տարար,
Եվ զարկեցիր նենգ թշնամուն բարբարոս,
Ոսոխի դեմ դարձար վահան ու պատվար:

Քե՛զ հավերժ փառք... հանգչիր խաղաղ ու անդորր,
Նոր հերոսներ կկայծակեն քո հետքով,
Հայաստանը կբողբոջի նորից նոր,
Կզարդարե քո շիրիմը վարդերով⁸:

Իսահակյանը խորը հարդանքով ու հիացմունքով է խոսում համաշխարհային երկրորդ պատերազմի տարիներին Ֆրանսիայում պարտիզանական ինտերնացիոնալ ջոկատների հրամանատար, 1944 թ. փետրվարի 21-ին Փարիզում հիտլերականների կողմից զնդակահարված բանաստեղծ Միսակ Մանուշյանի մասին: «Հայ ժողովուրդը հպարտ է Մանուշյանով,—գրում էր Իսահակյանը,—որի շիրիմի առաջ զուլխ խոնարհեցին երախտագետ Ֆրանսիացիները և նրա պանծալի անոսնով փողոց կոչեցին Փարիզում, մի պատիվ, որ առաջին անգամ տրվում է մի հայի և, շեշտենք, որ նա հայության անոսնը շատ բարձրացրեց Ֆրանսիայի աչքում:

Հայ ժողովուրդը իր պաշտելի հերոսների ոսկե գրքում սիրով պիտի գրե Միսաք Մանուշյանի անմահ անունը, որով տերունիները պիտի խանդավառվեն և հպարտանան»⁹:

Պատերազմի տարիներին Իսահակյանը հաճախակի է լինում Հայաստանի տարբեր շրջաններում, մեկ ամիս ու կես նա հյուրընկալվում է Թալինի շրջանի սասունցիների մոտ: Արդ մասին նա գրում է «Սասունցի կուտնտեսականների մոտ» ակնարկը, որն առաջին անգամ տպագրվում է Անդրկովկասյան զինվորական ռազմաճակատի «Մարտիկ» թերթում: «Սասունցիները տեսել են պատերազմի արհավիրքները (1914—1919 թթ.) և այժմ ամբողջ հոգով ձգտում են և աշխատում Հայրենական պատերազմը հաղթանակով պսակված տեսնել՝ որպեսզի կրկին չընկնեն աղետների և ավերածությունների մեջ»¹⁰—գրում էր պոետը:

⁸ Նույն տեղում, հ. 1, էջ 364:

⁹ Նույն տեղում, հ. 5, էջ 385:

¹⁰ Նույն տեղում, հ. 5, էջ 363:

Պատերազմի տարիներին Հայաստանի գրողները Իսահակյանի ղեկավարությամբ բազմիցս քննարկում են իրենց խնդիրները նոր պայմաններում: Վարպետն այդ բոլորի ոգեշնչողն ու կազմակերպիչն էր: Մերկացնելով ֆաշիստական զավթիչներին, ցույց տալով նրանց գազանային էությունը, հայ գրականությունը ժողովրդի մեջ էլ ավելի էր ամրապնդում հաղթանակի հավատը: Համակված խոր հայրենասիրությամբ, շատ հայ գրողներ հերոսաբար զոհվեցին պատերազմի ռազմաճակատներում: Իսահակյանը մասնակցեց էր հակաֆաշիստական միտինգների, հայ զինվորներին, խորհրդային ժողովուրդներին ուղղված հայրենասիրական նամակների կազմման, որոնց մեջ թշնամու դեմ միասնաբար կռվելու կոչեր էին արվում:

1942 թ. օգոստոսի 15-ին «Կոմունիստ» թերթում տպագրվում է Իսահակյանի, Մ. Սարյանի, Դ. Դեմիրճյանի, Հ. Օրբելու, Հայկանուշ Դանիելյանի, Ն. Զարյանի, Գ. Սարյանի, Վ. Վաղարշյանի, Արա Սարգսյանի և ուրիշների ստորագրությամբ ուկրաինական ժողովրդին ուղղված՝ «Մենք ձեզ հետ ենք, Ուկրաինայի եղբայրներ» նամակը: 1942 թ. աշնանը ռազմաճակատ է ուղարկվում հայ ժողովրդի նամակը հայ ռազմիկներին. ստորագրել էին 335336 մարդ, նրանց թվում էր Իսահակյանը: Նամակը քննարկվեց բոլոր հայկական զորամիավորումներում, տպագրվեց կենտրոնական և ճակատային թերթերում և լայն արձագանք գտավ: Նամակում ընդգծվում էր, որ «Հիտլերյան արյունարբու բորենու դեմ մղվող պատերազմում վճռվում է խորհրդային Միության քաղաքացիական պատերազմը»¹¹, Պատասխանելով մայր ժողովրդի կոչին, հայ ռազմիկները երգվում էին սրբությամբ կատարել նրա պատվիրանները¹², Սփյուռքահայության վրա մեծ ազդեցություն է գործում 1943 թ. սկզբին Ֆրեյդլինգում և Նյու Յորքում լույս տեսած Իսահակյանի գործերի վրա, որում նա կոչ էր անում բոլոր հայերին միասնաբար մտնել Հայրենիքի պաշտպանության սրբազան դրոշի տակ: «Թող ամեն մարդ իմանա, — ասված էր նամակում, — որ Հիտլերի անկումը անխուսափելի է և որոշ, այս հավատով և համոզմունքով է, որ մեր ժողովուրդը կկռվի հզոր Կարմիր բանակի դրոշի տակ, ներշնչված մեր արդար դատով»¹³:

Գրողների տանը Մարիետա Շահինյանի «խորհրդային գրողների աշխատանքը պատերազմի տարիներին» զեկուցման առթիվ ունեցած իր ելույթում Իսահակյանը ցույց է տալիս հայ գրողների մեծ ավանդը թշնամու դեմ մղված պայքարում: Իսահակյանի հրապարակախոսությունը և բանաստեղծությունները, Ն. Զարյանի «Արա Գեղեցիկ» ողբերգությունը, «Ձայն հայրենական» պոեմը, Հ. Քոչարի պատմվածքներն ու հրապարակախոսությունը, Գ. Սարյանի և Հ. Շիրազի քնարերգությունը և այլ գործեր պատերազմի տարիներին հայ գրականության նվաճումներն էին:

1943 թ. նոյեմբերի 25-ին, պատերազմի ծանր օրերին կազմակերպվում է Հայկական ԽՍՀ գիտությունների ակադեմիան, որի առաջին իսկական անդամների կազմում հաստատվում է նաև Ա. Իսահակյանը: Այդ կապակցությամբ մամուլում տպագրված իր խոսքում ակադեմիկոս Իսահակյանը նշում է, որ «Հայաստանի ակադեմիայի բացումը մի նոր ջախջախիչ հաղթանակ է խավարակուղ հիտլերի դեմ վրա, միաժամանակ սիմվոլիկ փաստ է մեր ողջ լուսավոր պետականության»¹⁴:

1942—1945 թթ. հայ մամուլում և այլ օրգաններում տպագրվում է Իսահակյանի՝ «Մահ գերմանական օկուպանտներին», «Անդրկովկասի ժողովուրդների եղբայրությունը անասանելի է», «Մեր բաղձանքները», «Հաղթանակը պրոգրեսի կողմն է», «Փառահեղ տարեդարձը» (Կարմիր բանակի 25-ամյակի

11 Հայ ժողովրդի խոսքը ռազմաճակատում գտնվող իր զավակներին. Երևան, 1943, էջ 6—7:

12 Հայ մարտիկների պատասխանը հայ ժողովրդին. Երևան, 1944:

13 Ա. Ի. Իսահակյան. Արկածախնդիրները. Նյու Յորք, 1943, էջ 125:

14 «Մովսեսական Հայաստան», 1943, № 242:

առթիվ)։ «Հաղթանակն արդար գործի կողմն է», «Սովետական Հայաստանի 23-րդ տարեդարձին», «Մեր ժողովրդի պարծանքն ու հպարտությունը», «Մղձավանջը վերջացավ» և այլ հոդվածներ։ Դրանց մեջ, իր բազմաթիվ ելույթներում, բանաստեղծություններում, Իսահակյանը հիմնավորում ու զարգացնում է հայրենասիրության, ժողովուրդների բարեկամության, առանձնապես ռուս ժողովրդի հետ սերտ համագործակցության գաղափարը, ատենությունը ֆաշիզմի, պատերազմի հրձիգների դեմ, խոր հավատար հաղթանակի նկատմամբ։ 1942 թ., երբ ֆաշիստական հորդանքները հասել էին Կովկասյան նախալեռներին և ձգտում էին մտնել Անդրկովկաս, Իսահակյանը գրում էր. «Միայն մի կարգախոս ունենք մենք հիմա՝ կովենք և շթողենք, որ թըշնամին պղծի մեր նվիրական ընտանիքի շեմը, մեր պողպատակուղիների պես կանգնենք թշնամու առաջ, կովկասյան դռները մեր կրծքով փակենք թշնամու առաջ։ Անենք ավելին, քան ինչ որ կախված է մեզանից, ամեն գնով փրկենք մեր ընտանիքի պատիվը, մեր հոգեկան և նյութական հարստությունները»¹⁶։ «Հաղթանակը պրոգրեսի կողմն է» հոդվածում Իսահակյանը ընդգծում էր. «Մենք գիտենք, որ իրերի անողոր տրամաբանությամբ հիտլերյան խելացորությունը անշուշտ դատապարտված է շարաշար խորտակման։ Հաղթանակը պրոգրեսի և մեր արդար, սրբազան գործի կողմն է։ Աշխարհը կփրկվի քսաներորդ դարի այդ թարախակալած խոցից»¹⁶։ Իսահակյանն իր սրտի խոսքն էր ասում ուղղված հայ ժողովրդի քաջարի զավակներին, որոնք հերոսաբար կռվում էին թշնամու ավազակային ոհմակների դեմ։ Եւ նշում էր, որ հայրենական սրբազան պատերազմի մեջ հայ մարտիկները իրենց հերոսական գործերով ապացուցեցին, որ արժանի որդիներն են հին, պատմական, ազատասեր ժողովրդի, որն իր երակների մեջ կրում է իր սըխրադործ նախնիների արյունը։ «Հայ մարտիկները, — գրում էր Իսահակյանը, — աշխարհի առաջ բարձրացրին հայ ժողովրդի պատիվն ու անունը, և մեր հնազարդյան պատմությունը վսեմացրին նորանոր պանծալի դրվագներով»¹⁷։

Վարպետը խոր հավատով հայտնում էր, որ մոտ է հաղթանակը, և քաջարի մարտիկները տուն կվերադառնան, նոր թափով ձեռ կզարկեն աշխատանքին, հայ ժողովուրդը կոյմի նորանոր տնտեսական ու կուլտուրական նվաճումների, կբարելավի իր կենցաղը, կիմաստավորի իր ազգային գոյությունը արվեստով, գրականությամբ և գիտությամբ՝ համաշխարհային եղբայրության գաղափարներով ներշնչված։ Վարպետը ցանկություն էր հայտնում խորհրդային Հայաստանի 24-րդ տարեդարձը տոնելու խաղաղության օրերում¹⁸։

1945 թ. մայիսի 9-ին, հաղթանակի օրվա առթիվ Իսահակյանը տպագրում է իր «Մղձավանջը վերջացավ...» հոդվածը, նշում բոլոր ժողովուրդների մարդկային հոգու ամենանվիրական բաղձանքի, խաղաղության ավետումը, որին չորս տարի շարունակ սպասել են բոլորը՝ ռազմի դաշտում ամեն վայրկյան մահվան դեմ հանդիման կանգնած մարտիկները, նրանց մայրերն ու քույրերը, հայրերն ու եղբայրները։ «Այսօր Բեռլինի վրա ծփում է Միության դրոշը, — գրում էր Իսահակյանը։ —

Միության ժողովուրդները ամենադժվարին հորժը կատարեցին՝ ֆաշիզմի տապալումը և դեմոկրատիայի հաղթանակը։ Մեծ Միությունը իր անթիվ գոհերով ու զոհաբերումներով, իր անպատմելի սխրագործություններով արժանացավ հավերժական փառքի և պատմության շողողուն բարձունքին։

Հայ ժողովուրդը իր քաջ զավակներով, իր կտրիճ զորավարներով, իր բոլորանվեր մասնակցությամբ Հայրենական պատերազմում արդար բաժին

¹⁶ Ավետիք Իսահակյան. Երկերի ժողովածու. հ. 5, էջ 348։

¹⁷ Նույն տեղում, էջ 355։

¹⁸ Նույն տեղում, էջ 360։

¹⁹ Նույն տեղում, էջ 369։

ունի Միության փառքին և պատմության անմահությանը: Նա հերոսական Կարսի բանակում կռվեց հերոսաբար և հերոսացավ¹⁹:

Հաղթանակի օրվա կապակցությամբ Իսահակյանը գրում է իր «Մեծ Հաղթանակի օրը (9 մայիսի 1945)» բանաստեղծությունը, որը պատերազմում ղեկաված հերոսներին նվիրված սքանչելի գործ է:

Մեր սուրբ փառքով դրեցինք պատւան,—
Մեծ Հաղթանակի օրն է ցնծալից:
Պարտվեց մահաշունչ ոսոխը դաժան,
Նրդեր են հորդում զվարթ սրտերից:

Խմում են խինդով, ցնծում երջանիկ,
Եվ զարկում նորից գավաթներն իրար:
Նրանց մեջ մի հայր ասում է մեղմիկ—
Էս էլ իմ որդուս հանգստյան համար:

Դիմարկներն իսկույն հանում են նրանք,
Խոր ակնածանքով լռում են մի պահ:
Խմում են անձայն զոհվածի համար
Եվ հեղում գինին սուրբ հացի վրա²⁰:

Մեծ Հայրենականի մասնակից մարտիկներն ու հրամանատարները սիրով էին կարդում Իսահակյանի գործերը, արժանին տալիս հայ մեծ բանաստեղծին ու քաղաքացուն: Պատերազմից անմիջապես հետո, 1945 թ. հուլիսին, նշվում է Իսահակյանի ծննդյան 70-ամյակը: Այդ կապակցությամբ ողջուններ են ստացվում նաև կարմիրբանակայիններից: N զորամասի հրամանատարներն ու մարտիկները հայ ժողովրդի մեծատաղանդ բանաստեղծին, հայրենիքի մեծ մտածողին ու քաղաքացուն գրում էին. «Թանկագին վարպետ... տասնամյակների ընթացքում, Դուք ձեր բեղմնավոր գրչով ստեղծել եք այնպիսի գործեր, որոնք ոգևորության անսպառ աղբյուր են հանդիսացել չարի, խավարի և անարդարության դեմ սերունդների մղած պայքարում:

Հայրենական պատերազմի ահեղ տարիներին Ձեր բոցաշունչ խոսքը, Ձեր անզուգական քնարի հոգեզմայլ ձայնը մեզ մարտի էր մղում անարգ թշնամու դեմ՝ հանուն մեր ժողովրդի ազատության»²¹:

Պատերազմի տարիներին իր ժողովրդին հանուն ազատության ու անկախության մարտնչելու կոչ անելով, հաղթանակից հետո Իսահակյանը հանդես է գալիս որպես խաղաղության ու դեմոկրատիայի մեծ մարտիկ: 1949 թ. Մոսկվայում տեղի ունեցած Խաղաղության կողմնակիցների համամիութենական առաջին կոնֆերանսում նա հայտարարում է. «Հայ ժողովուրդը, որ բազմիցս իր վրա զգացել է պատերազմի բոլոր սարսափները, ամենայն անկեղծությամբ իր ողջ էության մեջ կանգնած է խաղաղության պաշտպանության դիրքերում ընդդեմ պատերազմի»²²: 1950 թ. Խաղաղության կողմնակիցների

19 Նույն տեղում, էջ 375:

20 Նույն տեղում, հ. 1, էջ 377:

21 «Գրական թերթ», 1945, № 21:

22 «Պրավդա» 1949, 30 օգոստոսի:

միութենական երկրորդ կոնֆերանսում Խաչակյանը ակադեմիկոս Վիկտոր Համբարձումյանի, ամենայն հայոց կաթողիկոս Գևորգ Զ-ի, Նաիրի Զարյանի հետ միասին, որպես Հայաստանի ներկայացուցիչ ընտրվում է խաղաղության պաշտպանության խորհրդային կոմիտեի կազմում:

Իր ողջ գիտակցական կյանքում, իր բեղմնավոր ստեղծագործություններով Ավետիք Խաչակյանը մնաց ժողովրդի հետ, կիսեց նրա պարտությունների դառնություններն ու հաղթանակի բերկրանքը և գնաց դեպի անմահություն:

АВЕТИК ИСААКЯН
В ГОДЫ ВЕЛИКОЙ ОТЕЧЕСТВЕННОЙ ВОЙНЫ

Академик НАН РА Г. Б. ГАРИБДЖАНЫАН

Резюме

В годы Великой Отечественной войны Аветик Исаакян, твердо веря в победу, вдохновлял армянских воинов на борьбу с фашизмом, поднимал их патриотический дух и стойкость. В годы войны им было создано немало стихов, таких как «Бранный клич», «Сердце мое на вершинах гор», «Вечной памяти Зосьяна», публицистических статей—«Смерть немецким оккупантам», «Отечественная война и армянский народ», «Победа на стороне прогресса», «Слава и гордость нашего народа» и других, которые внесли свой вклад в дело победы советского народа над фашизмом.